



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Horologivm Sacerdotale Sacerdotibus tam Ecclesiasticis,
quàm Religiosis, præsertim Neomystis Ordinem diei, &
praxes indicans Opera quotidiana exactè, sanctéque
obeundi**

Dirckinck, Johann

Coloniæ, 1690

III. Praxis Aspirandi sæpius per diem ad Deum per preces jaculatorias.

[urn:nbn:de:hbz:466:1-50863](https://nbn-resolving.org/urn:nbn:de:hbz:466:1-50863)

tantam enim perfectionem à Deo habet in specie sua, formica, quantam elephantus, in sua; tantam passer, quantam aquila; tantam trigla, quantam balæna. Dei perfecta sunt opera. Hæc, Sacerdos Dei, pro viribus imitare, & valdè in perfectione ac sanctitate proficies. Hic enim operandi modus, eluxit in Christo, B. Virgine, Apostolis & aliis sanctitate illustribus.

III. P R A X I S

*Aspirandi sæpius per diem ad Deum
per preces jaculatorias.*

A Spirationes hæ, sunt brevissimæ quædam orationes, sunt suspiria ardentia, sunt ascensiones mentis in Deum & motus anagogici, sursum ducentes: sunt affectus seu affectiones cordis & desideria ferventia ad Deum & cœlestia. Ut his coneris assuescere, mo-
yeat t:

I. Voluntas Christi Domini dicitur Lucæ 18. *Oportet semper orare & non deficere*; Hanc autem orationis
per-

perpetuitatem per preces jaculatorias obtinebis.

2. Exemplum Christi easdem usurpantis. v.g. in horto: *Pater si possibile est transeat à me calix iste.* Et in Cruce: *Pater in manus tuas commendo spiritum meum.*

3. Exemplum Sanctorum; quibus hæc orandi methodus familiarissima extitit. Sic orabat Judith: *Confirma me Domine in hac hora.* Thais à Paphnutio conversa, edocta est reperere identidem: *Qui plasmasti me miserere mei.* Sanctorum alii centenos, alii millenos indies ejusmodi affectus & preces velut igneas amoris sagittas in cælum ejaculati sunt.

4. Fructus, qui inde exoritur, est augmentum ingens gratiæ & gloriæ, elevatio mentis à terrenis ad cœlestia, purgatio animæ, progressus in virtutibus, unio cum Deo.

5. Officium Sacerdotale, collectum requirit animum; qui ne per externas occupationes, itinera, negotia, alloquia, nimium distrahatur & velut ab-

forbeatur, per huiusmodi suspiria & mentis pios motus recolligendus est. Usus assiduus praxin faciliorem reddit. Exempli gratiâ, paucula innuere sufficiat.

In aspectu solis.

Conditoris pulchritudinem & maiestatem admirare & laudare, dicens: Quàm pulcher es Dilecte mi, & decorus! O Sol iustitiæ illumina me, accende me.

In aspectu cœli.

Quàm dilecta tabernacula tua Domine! concupiscit & deficit anima mea.

In aspectu siderum.

Quàm sordet mihi terra, dum cœlum aspicio!

In aspectu rei delectabilis.

Delectasti me Domine in factura tua. Psal. 91.

In aspectu rei deformis.

Abominabiles facti sunt, sicut ea quæ dilexerunt, Peccatores.

Casu

Casu intuens quid indecens.

Averte oculos meos, ne videant vanitatem. Psal. 118.

Audiens referri grata.

Benedictus Deus! Ephes. 1. gratulare, gaude, gratias age Deo.

Audiens suavem musicam.

Si hæc in exilio, quid erit in cælo? si hæc homines, quid Angeli?

Gustans cibos sapos.

Gustate & videte, quàm suavis est Dominus. Psalm. 33.

Aspiciens hortum amœnum.

Exorna me Domine floribus virtutum; lilio castitatis, violâ humilitatis, rosâ charitatis.

Sentiens frigus vel æstum.

Exerce actum patientiæ. Benedicite frigus & æstus Domino.

In tentatione.

Malo mori, quàm scædari. Esto mihi Domine turris fortitudinis à facie inimici.

Ingressus templum.

Adorabo ad templum sanctum tuum,
& confitebor nomini tuo.

Transiens Cœmeterium.

Da requiem cunctis, Deus, hîc &
ubique sepultis.

*Cernens cœcum, claudum, agrum,
hereticum, Judæum, &c.*

Compatere, gratias age, pro fide, fan-
nitate, integritate & cogita: Cur ille &
non ego!

Videns Deum laudari, gaude, au-
diens Deum offendi, contristare in spiri-
tu. Intuens mundi vanitatem & pom-
pam, detestare. Vanitas vanitatum &
omnia vanitas. Denique cum S. Bonaven-
tura in stim. amoris c. 10. ex qualibe-
re ad Deum laudandum occasionem su-
mere & ascendere facile poteris: Cum
videris, inquit, aliquos in prælatione
temporali, cogitabis hoc esse factum a
Dei magnificentiam ostendendam & si
in eis Dei potentiam collaudabis. Cum
autem videris alios scientiæ insistentes
in eis Dei sapientiam commendabis
Cum

Cum verò videris alios temporalibus negotiis insistentes, in eis divinam laudabis providentiam. Si aliquos videris ceteros judicantes, divinum judicium time. Si pœnas inferentes, divinam justitiam cogita. Si Prælatos remissos divinam misericordiam commendabis. Si insistentes operibus charitatis, divinam Bonitatem laudabis. Si calorem habueris, recogitabis Dei Patris nimiam charitatem, qua Filium suum voluit incarnari & pro omnibus Crucifigi. Si frigus habueris, ab omni æstu miseriæ refrigerium anhelabis: & sic per singula discurrendo, omnia potes & debes reducere in laudem & magnificentiam Creatoris. Vide Card. Bona in via Compendii ad Deum prolixius hæc tractantem.





er
 loc
 in
 ci
 H
 ve
 por
 an
 r
 ri
 op
 eru

 Etia
 fer
 de